

206/16
Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 07/10), a u vezi sa članovima 37. stav (1), 45. stav (1) i 54. Zakona o izvršavanju Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 49. sjednici održanoj 29.03.2016. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za poticaje u poljoprivredi za 2016. godinu, u razdjelu 23, budžetska organizacija 01, potrošačka jedinica 0001, ekonomski kod 614400 NAD 402, pozicija "Subvencije za podsticaj razvoja u poljoprivrednoj proizvodnji"

I.

Usvaja se Program utroška sredstava Budžeta Zeničko-dobojskog kantona za poticaje u poljoprivredi za 2016. godinu, u razdjelu 23, budžetska organizacija 01, potrošačka jedinica 0001, ekonomski kod 614400 NAD 402, pozicija "Subvencije za podsticaj razvoja u poljoprivrednoj proizvodnji", u iznosu od 2.500.000,00 KM (Slovima: dvamilionapetstotinahiljada konvertibilnih maraka) Budžeta Zeničko-dobojskog kantona za 2016. godinu ("Službene novine Zeničko-dobojskog kantona", broj: 2/16) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.


Zaključak stupa na snagu danom donošenja.

Broj: 02-14-70.57/16.
Datum, 29.03.2016. godine
Zenica

PREMIJER
PO OVLAŠTENJU
Minzo Smajić

DOSTAVLJENO:

- ☒ Ministarstvu za poljoprivredu, šumarstvo i vodoprivredu,
- ☐ Ministarstvu finansija,
- ☐ a/a.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

P R O G R A M

*utroška sredstava Budžeta Zeničko-dobojskog kantona
za poticaje u poljoprivredi za 2016. godinu*

Zenica, marta 2016. godine

PROGRAM
utroška sredstava Budžeta Zeničko-dobojskog kantona
za poticaje u poljoprivredi za 2016. godinu

Opći podaci o Programu

1. Program je usvojen: na 49. sjednici Vlade Zeničko-dobojskog kantona održanoj 29.03.2016. godine.
 2. Period realizacije Programa: Isplata podrški za poljoprivredne proizvodnje koje su realizovane u periodu od 01. 01. do 31. 12. 2016. godine.
 3. Ukupna vrijednost Programa: 2.500.000,00 KM
 4. Namjena Programa: Podrška primarnoj animalnoj i biljnoj proizvodnji, prerađivačima i otkupljivačima, te kapitalnim ulaganjima u poljoprivredi.
 5. Korisnici Programa: Poljoprivredni proizvođači, zadruge, udruženja poljoprivrednika, otkupljivači i prerađivači prehrambenih proizvoda.
 6. Izvor sredstava: Budžet Zeničko-dobojskog kantona za 2016. godinu - Budžet Ministarstva za poljoprivredu, šumarstvo i vodoprivredu - „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i „Zakon o izvršavanju Budžeta Zeničko- dobojskog kantona za 2016. godinu“ ("Službene novine Zeničko- dobojskog kantona", broj: 2/16)
 7. Nosilac Programa: Ministarstvo za poljoprivredu, šumarstvo i vodoprivredu Zeničko-dobojskog kantona
 7. Odgovorna osoba: Himzo Smajić, ministar
-

I UVOD

U Zakonu o poljoprivredi (*"Službene novine Federacije BiH"*, broj: 88/2007) utvrđeni su pravci budućeg razvoja poljoprivrede. Razvoj se u značajnoj mjeri oslanja na poticajna sredstva iz Federalnog i kantonalnih budžeta i što je nivo poticajnih sredstava bliži poticajima u okruženju (Hrvatska i Srbija), to je realnije očekivati razvoj poljoprivrede na našem području.

Po Programu za 2016. godinu ukupno opredijeljena sredstva za poticaje u poljoprivredi iznose 2.500.000,00 KM.

U izradi Programa za 2016. godinu korišteni su slijedeći parametri:

- Proizvodne resursne mogućnosti Zeničko-dobojskog kantona,
- Mjere Strategije razvoja Zeničko-dobojskog kantona 2016.-2020.,
- Kontinuitet poticajnih mjera,
- Mogućnosti plasmana poticajnih proizvodnji,
- Sinhronizacija sa federalnim podrškama,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije i
- Preporuke naučnih i stručnih institucija iz sektora.

Izuzetno će se preklapati oni poticaji koji po kriterijima sa federalnog nivoa nisu ostvarivi za naše proizvođače.

U skladu sa raspoloživim sredstvima, mjere podrške u poljoprivredi iz Budžeta Zeničko-dobojskog kantona za 2016. godinu su usmjerene prema slijedećim proizvodnjama i aktivnostima.

A/ Podrška poljoprivrednoj proizvodnji

A/1 Animalna proizvodnja

- Podrška za uzgoj brojlera,
- Podrška za držanje koka nosilja,
- Podrška za registrirane farme muznih grla,
- Podrška za registrovanu ovčarsku ili kozju proizvodnju,
- Podrška za registrovanu svinjogojsku proizvodnju,
- Podrška za sufinansiranje provedbe dijagnostičkih ispitivanja muznih krava

A/2 Biljna proizvodnja

- Podrška za proizvodnju presadnica povrća,
- Podrška za proizvodnju povrća i cvijeća u plastenicima i staklenicima,
- Podrška za proizvodnju maline i kupine,
- Podrška za proizvodnju krastavca-kornišona,
- Podrška za proizvodnju plantažne borovnice i aronije,
- Podrška za certificiranje organske poljoprivredne proizvodnje,
- Podrška za zasnivanje novih zasada jagodičastog voća i vinove loze,
- Podrška za zasnivanje zasada koštičavog, jabučastog i jezgrastog voća.

B/ Podrška prerađivačima i otkupljivačima poljoprivrednih proizvoda

B/1 Podrška prerađivačima

- Podrška prerađivača mlijeka sa područja ZE-DO kantona,

- Podrška prerađivačima pilećeg mesa,

B/2 Podrška otkupljivačima

- Podrška otkupljivačima svježeg kravljeg mlijeka,
- Podrška otkupljivačima za otkup svježeg voća i povrća,
- Podrška za otkup jagodičastog voća,
- Podrška otkupljivačima jagodičastog voća koji vrše zamrzavanje.

C/ Podrška kapitalnim ulaganjima

- Podrška za nabavku mehanizacije za poljoprivredu,
- Podrška za nabavku plastenika,
- Podrška za hladnjače jagodičastog voće.

D/ Podrška projektima

- Podrška projektima iz oblasti pčelarstva,
- Finansiranje sajмова i izložbi,
- Finansiranje i štampanje edukativnog i propagadnog materijala iz oblasti poljoprivrede te nabavka repromaterijala za IPS,
- Projekti iz poljoprivrede.

E/ Rezerve

Rezerve-nepredviđeni zahtjevi

II KRITERIJI ZA RASPODJELU SREDSTAVA

Odobrena finansijska sredstva iz Budžeta Zeničko-dobojskog kantona pod stavkom „Subvencije za podsticaj razvoja u poljoprivrednoj proizvodnji“ opredjelit će se fizičkim i pravnim licima (u daljem tekstu: korisnici) prema općim i posebnim kriterijima.

1. Opći kriteriji

Pravo na ostvarivanje podrške stiču:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji Zeničko-dobojskog kantona, ako to ovim Programom ili Uputstvom nije drugačije propisano,
- korisnici koji imaju stalno mjesto prebivališta, odnosno za pravna lica sjedište, na području Zeničko-dobojskog kantona,
- korisnici upisani u registar gazdinstava/klijenata kao nosioci.

2. Posebni kriteriji

- korisnici koji po bilo kojem osnovu nisu izmirili svoja dugovanja prema kantonu neće moći ostvariti pravo na poticaje,
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje,
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2016. godini (u daljem tekstu Uputstvo), koje donosi Ministar Ministarstva za poljoprivredu, šumarstvo i vodoprivredu Zeničko-dobojskog kantona,

- Korisnici kojima su odobrena sredstva iz Budžeta Vlade Zeničko-dobojskog kantona za realizaciju određene poljoprivredne proizvodnje ne mogu za istu realizovati poticaj po ovom Programu.

III PODSTICANJE PROIZVODNJI

A/1 Animalna proizvodnja

1. **Podrška za uzgoj brojlera** – premira se proizvodnja brojlera do 0,08 KM/brojler, onih proizvođača koji su registrovali djelatnost za tu proizvodnju i koji u vlastitim ili zakupljenim objektima utove najmanje 5.000 brojlera u turnusu, te imaju zaključen ugovor o kooperaciji sa subjektom registrovanim za preradu brojlerskog mesa, te da ispunjavaju i druge kriterije koji će biti propisani Uputstvom. Maksimalna iznos podrške po jednom subjektu je 20.000,00 KM. Konačan iznos podrške po jednom brojleru bit će utvrđen nakon sublimiranja ukupne količine tovljenika koji će biti predmetom podrške.
2. **Podrška za držanje koka nosilja** – Podržava se držanje koka nosilica za farme koje posluju u okviru registrovane djelatnosti sa useljenim 18-nedjeljnim pilenkama lake linije u visini 1,00 KM/pilenki. Maksimalna iznos podrške po jednom subjektu je 20.000,00 KM. Proizvodnja može biti u vlastitom ili zakupljenom objektu na području ZE-DO kantona, koji imaju minimalno 1.500 pilenki, i mora ispunjavati i druge kriterije koji će biti propisani Uputstvom.
3. **Podrška za registrirane farme muznih grla** – Podržavaju se farme muznih grla koje posluju u okviru registrovane djelatnosti i imaju minimalno 7 muznih grla u kategoriji krave u laktaciji u vrijeme podnošenja zahtjeva. Iznos podrške do 400,00 KM/grlo. Maksimalan iznos podrške po jednom subjektu je 12.000,00 KM. Farme moraju biti na teritoriji ZE-DO kantona te zadovoljavati ostale kriterije koji će biti propisani Uputstvom.
4. **Podrška za registrovanu ovčarsku i kozju proizvodnju** – Podržavaju se registrovane ovčarske ili kozje proizvodnje za one proizvođače koji imaju registrovanu djelatnost po zakonu o obrtu i minimalno 100 grla ovaca, odnosno 25 grla koza, prema izvodu iz Agromediterranskog zavoda u Mostaru zaključno sa 31.12.2015. godine. Iznos podrške je 2.000,00 KM.
5. **Podrška za registrovanu svinjogojsku proizvodnju** – Podržavaju se svinjogojske proizvodnje za one proizvođače koji imaju registrovanu djelatnost i minimalno 20 tovljenika u jednom turnusu ili 10 rasplodnih krmača u uzgoju. Iznos podrške je 2.000,00 KM.
6. **Podrška za sufinansiranje provedbe dijagnostičkih ispitivanja muznih krava** čije mlijeko ide u javnu potrošnju. Iznos podrške je 20,00 KM/grlo. Bliže odredbe, i način realizacije ove podrške će biti propisane Uputstvom.

A/2 Biljna proizvodnja

7. **Podrška za proizvodnju presadnica povrća** – premira se registrovana proizvodnja presadnica povrća u iznosu od 0,04 KM po proizvedenoj presadnici povrća do 500.000 presadnica, te da ispunjavaju i druge kriterije koji će biti propisani Uputstvom.
8. **Podrška za proizvodnju povrća i cvijeća u plastenicima i staklenicima** – podržavaju se poljoprivredni proizvođači (fizička lica) koji imaju registrovanu

poljoprivrednu djelatnost (kao osnovnu djelatnost-registrovano po zakonu o obrtu) u iznosu od 5,00 KM/m², a proizvodnju organizuju u plastenicima i/ili staklenicima minimalne površine 500 m². Maksimalan iznos podrške po jednom subjektu je 5.000,00 KM, te da ispunjavaju i druge kriterije koji će biti propisani Uputstvom.

9. **Podrška za proizvodnju maline i kupine** – premira se proizvodnja maline do 0,20 KM/kg u zavisnosti od broja prispjelih aplikacija, kod proizvođača koji predaju otkupljivaču/prerađivaču minimalno 700 kg maline i kupine te da ispunjavaju i druge kriterije koji će biti propisani Uputstvom. Konačan iznos podrške po jednom kg bit će utvrđen nakon utvrđivanja ukupno prijavljene količine maline i kupine koji će biti predmetom podrške.
10. **Podrška za proizvodnju krastavca-kornišona** – premira se proizvodnja krastavca-kornišona sa 0,07 KM/kg, kod proizvođača koji proizvedu krastavac-kornišon na parceli površine 1 dunum i predaju otkupljivaču/prerađivaču, te da ispunjavaju i druge kriterije koji će biti propisani Uputstvom.
11. **Podrška za proizvodnju plantažne borovnice i aronije** – premira se proizvodnja Američke borovnice-plantažni uzgoj i aronije sa 0,30 KM/kg kod proizvođača koji predaju otkupljivaču/prerađivaču proizvedenu borovnicu i aroniju, te da ispunjavaju i druge kriterije koji će biti propisani Uputstvom.
12. **Podrška za certifikaciju organske poljoprivredne proizvodnje** – premira se certifikacija organske poljoprivredne proizvodnje kod proizvođača koji imaju certifikat za organsku poljoprivrednu proizvodnju. Iznos podrške je 1.000,00 KM po podnosiocu zahtjeva. Pravo na premiju mogu ostvariti samo proizvođači koji imaju certifikat za organsku poljoprivrednu proizvodnju, te da ispunjavaju i druge kriterije koji će biti propisani Uputstvom.
13. **Podrška za zasnivanje novih zasada jagodičastog voća i vinove loze** (maline, kupine, ribizle, borovnice, brusnice, aronije, ogrozda, šumske jagode i vinove loze) – podržava se zasnivanje novih zasada jagodičastog voća i vinove loze na površini od 1 dunuma i više, sa iznosom do 300,00 KM/dunumu, u zavisnosti od broja prispjelih aplikacija, te da ispunjavaju i druge kriterije koji će biti propisani Uputstvom.
14. **Podrška za zasnivanje zasada koštičavog, jabučastog i jezgrastog voća** – ova podrška se realizuje kroz dvije kategorije. Prva kategorija se odnosi na podršku od 300,00 KM/dunumu za poluintenzivne zasade voća (jabuka, kruška, šljiva, trešnja, višnja, lijeska, orah, dunja, kajsijska, breskva), na površinama 2-10 dunuma. Druga kategorija odnosi se na podršku od 500,00 KM/dunumu za intenzivne zasade voća (jabuka, kruška, šljiva, trešnja, višnja, lijeska, orah, dunja, kajsijska, breskva), na površinama 2-10 dunuma, te da ispunjavaju i druge kriterije koji će biti propisani Uputstvom.

B/ Podrška prerađivačima i otkupljivačima poljoprivrednih proizvoda

B/1 Podrška prerađivačima

15. **Podrška prerađivačima mlijeka sa područja ZE-DO kantona** – premiraju se mljekare za otkup mlijeka od proizvođača sa područja Kantona sa 0,02 KM/lit., koje za istu količinu po kriterijima Federalnog Ministarstva poljoprivrede, vodoprivrede i šumarstva ostvare premiju za mlijeko za svoje kooperante, te da ispunjavaju i druge kriterije koji će biti propisani Uputstvom.
16. **Podrška prerađivačima pilećeg mesa** – premiraju se registrovani prerađivači brojlerskog mesa sa 0,10 KM/kg, za proizvodnju organizovanu kod kooperanata sa kojima imaju sklopljene ugovore o proizvodnji i otkupu, maksimalan iznos po jednom subjektu je 300.000 kg, te da ispunjavaju i druge kriterije koji će biti propisani Uputstvom.

B/2 Podrška otkupljivačima

17. **Podrška otkupljivačima za otkup svježeg kravljeg mlijeka** – premiraju se registrovani otkupljivači mlijeka sa 0,02 KM/lit. Za količine mlijeka po kojim njihovi kooperanti ostvare premiju za mlijeko po kriterijima Federalnog Ministarstva poljoprivrede, vodoprivrede i šumarstva i sa kojima imaju sklopljene ugovore o proizvodnji i otkupu mlijeka, te da ispunjavaju i druge kriterije koji će biti propisani Uputstvom.
18. **Podrška otkupljivačima za otkup svježeg voća i povrća** – premiraju se registrovani otkupljivači voća i povrća (izuzev jagodičastog voća) sa 0,04 KM/kg koji od proizvođača sa kojima imaju sklopljene ugovore o proizvodnji i otkupu voća i povrća izvrše otkup, a maksimalan iznos podrške po jednom subjektu iznosi 10.000,00 KM, te da ispunjavaju i druge kriterije koji će biti propisani Uputstvom.
19. **Podrška otkupljivačima jagodičastog voća** – premiraju se registrovani otkupljivači voća sa 0,05 KM/kg jagodičastog voća koji od proizvođača sa kojima imaju sklopljene ugovore o otkupu voća izvrše otkup, te da ispunjavaju i druge kriterije koji će biti propisani Uputstvom.
20. **Podrška otkupljivačima jagodičastog voća koji vrše zamrzavanje** – premiraju se registrovani otkupljivači voća sa 0,10 KM/kg jagodičastog voća. Otkupljivač treba da ima sa proizvođačima sklopljene ugovore o otkupu jagodičastog voća, da otkupi i zamrzne jagodičasto voće. Otkupljivač koji podnosi zahtjev treba biti izvozno orjentisan, sa osnivačima koji žive na području Zeničko-dobojskog kantona, te da posjeduju komore za zamrzavanje, da ispunjava i druge kriterije koji će biti propisani Uputstvom.

C/ Podrška kapitalnim ulaganjima

21. **Podrška za nabavku mehanizacije za poljoprivredu** – podržava se nabavka nove mehanizacije za poljoprivredu (traktori, motokultivatori, samohodne kosilice - izuzev
-

parkovske, samohodne kopačice i silokombajni) u iznosu do 25% vrijednosti mehanizacije samo za poljoprivredne proizvođače (fizička lica) koji imaju registrovanu poljoprivrednu djelatnost (kao osnovnu djelatnost-registrovano po zakonu o obrtu) što poljoprivredni proizvođač dokazuje računima o kupovini, te da ispunjavaju i druge kriterije koji će biti propisani Uputstvom.

22. **Podrška za nabavku plastenika-** podržava se sa nabavka plastenika sa 6,00 KM/m² minimalne površine 100 m². Podržava se nabavka novih plastenika za poljoprivredne proizvođače (fizička lica) koji imaju registrovanu poljoprivrednu djelatnost (kao osnovnu djelatnost-registrovano po zakonu o obrtu) i pravne subjekte uz priložene račune za nabavku (porezna faktura). Maksimalan iznos podrške za pravne subjekte iznosi 10.000,00 KM, a za poljoprivredne proizvođače (fizička lica) koji imaju registrovanu poljoprivrednu djelatnost (kao osnovnu djelatnost-registrovano po zakonu o obrtu) iznosi 3.000,00 KM, te da ispunjavaju i druge kriterije koji će biti propisani Uputstvom.
23. **Podrška za hladnjače jagodičastog voća** – podržava se izgradnja i nabavka opreme za hladnjače jagodičastog voća koje su instalirane na području Zeničko-dobojskog kantona za pravna lica čije je sjedište na području Zeničko-dobojskog kantona. Maksimalan iznos podrške po subjektu iznosi 15.000,00 KM, te da ispunjavaju i druge kriterije koji će biti propisani Uputstvom.

D/ Podrška projektima

24. **Podrška projektima iz oblasti pčelarstva-** podržavaju se udruženja pčelara Zeničko-dobojskog kantona u iznosu do 3.000,00 KM. Pravo na podršku imaju ona udruženja koja su registrovana prije 31.12.2015. godine, te da ispunjavaju i druge kriterije koji će biti propisani Uputstvom
25. **Finansiranje sajмова i izložbi u 2016.godine-** planirano je sufinansiranje izložbenih sajmovskih manifestacije i izlaganje poljoprivrednih proizvoda.
-

26. **Finansiranje i štampanje edukativnog i propagadnog materijala iz oblasti poljoprivrede** te nabavke repromaterijala za Izvještajno prognozu službu-informisanje poljoprivrednih proizvođača o poticajima iz Programa poticaja za 2016.godinu jedan je od ciljeva ove podrške, kao i predstavljanja istaknutih poljoprivrednih subjekata sa područja ZE-DO kantona, štampanje letaka- kako prepoznati alergene biljake (ambrozija) i nabavke repromaterijala za izvještajno-prognozni rad(lovne klopke, feromoni i dr.)
27. **Projekti u poljoprivredi** – podržavaju se projekti koji unapređuju poljoprivredu na području Zeničko-dobojskog kantona. Podnosioci zahtjeva mogu biti poljoprivredne zadruge, preduzeća registrovana za obavljanje poljoprivredne djelatnosti, poljoprivredni proizvođači (fizička lica) koji imaju registrovanu poljoprivrednu djelatnost (kao osnovnu djelatnost-registrovano po zakonu o obrtu), Općine putem službi nadležnih za poljoprivredu i razvojne agencije općina. Ocjenu projekata vršit će Poljoprivredna stručna i Uzgojno selekcijska služba ministarstva za poljoprivredu šumarstvo i vodoprivredu.

E/ Rezerva

Sredstva rezervi koristiti će se za hitne i nepredviđene zahtjeve koji se pojave tokom Budžetske godine, o čijem utrošku će odluku donositi Ministar.

**TABELARNI PREGLED POTICAJA U POLJOPRIVREDI ZA 2016 GODINU
SA IZNOSIMA POTICAJA PO JEDINICI MJERE**

	NAZIV POTICAJA	Iznos poticaja izražen po jedinici mjere	Procjena iznosa potrebnih sredstava u (KM)
1.	Premija za uzgoj brojlera –registrovane farme	do 0,08 KM/kljun/	270.000,00
2.	Podrška za koke nosilice	1,00 KM/pilenka	80.000,00
3.	Podrška za farme muznih grla	do 400,00 KM/grlo	220.000,00
4.	Podrška za registrovanu ovčiju i kozju proizvodnju	2.000,00 KM/djelatnost	20.000,00
5.	Podrška za registrovanu svinjogojsku	2.000,00 KM/djelatnost	20.000,00

Ministarstvo za poljoprivredu, šumarstvo i vodoprivredu

	proizvodnju		
6.	Podrška za su finansiranje provedbe dijagnostičkih ispitivanja	20,00 KM/grlu	60.000,00
A/1 UKUPNO ANIMALNA			670.000,00
7.	Podrška za proizvodnju presadnica povrća za registrovane reprocentre	0,04 KM/kom.	20.000,00
8.	Podrška za proizvodnju povrća i cvijeća u plastenicima i staklenicima	Registrovani proizvođači povrća i cvijeća sa minimalne površine 500m ² i više -5,00KM/m ²	220.000,00
9.	Podrška za proizvodnju maline, kupine	do 0,20 KM/kg	320.000,00
10.	Podrška za proizvodnju krastavca-kornišona	0,07 KM/kg	60.000,00
11.	Premija za proizvodnju plantažne borovnice i aronije	0,30 KM/kg	25.000,00
12.	Podrška za organsku poljoprivrednu proizvodnju	1.000,00 KM/aplikantu	10.000,00
13.	Premija za nove zasade jagodičastog voća i vinove loze(od 0,1ha i više)	do 300,00 KM/0,1 ha	150.000,00
14.	Premija za nove zasade koštičavog, jabučastog i jezgrastog voća (od 0,2ha -1,0 ha)	Poluintezivni 300,00 KM/0,1 ha Intezivni 500,00 KM/0,1ha	50.000,00
A/2 UKUPNA BILJNA PROIZVODNJA			855.000,00
15.	Premija prerađivačima mlijeka	0,02 KM/litru	100.000,00
16.	Premija prerađivačima pilećeg mesa	0,10 KM/kg	60.000,00
B/1 UKUPNO PRERAĐIVAČI			160.000,00
17.	Premija za otkup mlijeka otkupljivačima mlijeka	0,02KM/litru	125.000,00
18.	Premija otkupljivačima svježeg voća i povrća (izuzev jagodičastog voća)	0,04KM/kg	40.000,00
19.	Premija otkupljivačima jagodičastog voća	0,05 KM/kg	30.000,00
20.	Premija za otkup jagodičastog voća otkupljivačima koji vrše zamrzavanje	0,10 KM/kg	40.000,00
B/2 UKUPNO OTKUPLJIVAČI			235.000,00
21.	Podrška za kupovinu poljoprivredne mehanizacije	do 25% vrijednosti mašine	50.000,00
22.	Podrška za nabavku plastenika (minimalne površine 100 m ²)	6,00KM/ m ²	40.000,00
23.	Podrška za hladnjače za jagodičasto voće		60.000,00
C/ UKUPNO KAPITALNA ULAGANJA			150.000,00
24.	Podrška projektima iz oblasti pčelarstva		40.000,00
25.	Finansiranje sajмова i izložbi		25.000,00
26.	Finansiranje i štampanja edukativnog i propagadnog materijala iz oblasti poljoprivrede(brošure i letci), te nabavka repromaterijala za IPS		6.000,00
27.	Projekti iz poljoprivrede		230.000,00
D/ UKUPNO PROJEKTI			301.000,00
E/ REZERVA			129.000,00

Napomena: Kolone u tabelama koje definišu procjenu potrebnih sredstava u KM su samo projekcija mogućeg utroška sredstava, tako da će ovisno o broju zahtjeva biti prelijevanja sredstava iz jednog poticaja u drugi.

IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak i potrebna dokumentacija te obrasci i drugi relevantni podaci.

Ukoliko drugačije nije propisano Uputstvom, korisnici koji ostvare proizvodnju ili otkupe određene poljoprivredne proizvode podnose nadležnom općinskom organu propisanu dokumentaciju za ostvarivanje podrški, a općinski organ kompletiranu dokumentaciju proslijeđuje na protokol Kantona.

Daljnji postupak sa zahtjevima korisnika provodi se u skladu sa Procedurom za ostvarivanje prava na novčane podrške u primarnoj poljoprivrednoj proizvodnji ZE-DO-PR-023 i Procedurom za ostvarivanje poticaja u stočnoj proizvodnji ZE-DO.PR:024 utvrđenim u standardima EN ISO 9000:2005 i EN ISO 9001:2008.

Izuzetno, ako je to u njegovom interesu, korisnik može aplicirati za ostvarivanje podsticaja u poljoprivredi, poštom ili direktnom predajom dokumentacije na protokol Kantona.

V SVRHA PROGRAMA

Svrha ovog Programa je da se nastave započeti i otvore novi procesi u poljoprivrednom sektoru, s ciljem da se ostvari;

- a. povećanje obima poljoprivredne proizvodnje,
- b. zadovoljavanje potreba domaćeg tržišta vlastitim proizvodima,
- c. snabdijevanje prehrambene industrije sirovinama,
- d. stabilizacija tržišta poljoprivredno-prehrambenih proizvoda,
- e. razvoj prehrambene industrije,
- f. unapređenje rada zadruga i udruženja poljoprivrednih proizvođača,
- g. smanjivanje ovisnosti od uvoza i stvaranje pretpostavki za izvoz,
- h. stvaranje tržišno orijentisanih proizvođača,
- i. povećanje sjetvenih površina i privođenje kulturi neobrađenog obradivog poljoprivrednog zemljišta i
- j. ravnomjerniji razvoj poljoprivredne proizvodnje na području ZE-DO kantona,
- k. veće zapošljavanje i smanjenje stope nezaposlenosti.

VI IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2016. godinu ("Službene novine Zeničko-dobojskog kantona", broj:02/16), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 planiran iznos od 2.500.000,00 KM.

Planirani iznos realizovat će se u skladu sa prilivom sredstava u Budžetu, a na bazi mjesečnih operativnih planova.


VII KORISNICI SREDSTAVA

Korisnici sredstava su fizička i pravna lica koja ispune propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, otkupljivači, prerađivači poljoprivrednih proizvoda i dr.)

Broj: 02- 14-7057 /16.

Datum, 29.03.2016. godine

Zenica



DOSTAVLJENO:

1 x Ministarstvu za poljoprivredu, šumarstvo i vodoprivredu,

1 x Ministarstvu finansija,

1 x a/a.